

左恪靖侯奏稿續編

恪靖奏稿續編卷八目錄

官軍入晉勦擒疊勝摺

宜君勦回獲勝中部收復并涇州情形片

排遣吉林馬勇片

擒回土匪合擾邠陽等處先籌痛勦摺

歸綏邊防無警請調馬隊赴晉勦擒摺

官軍進援慶陽疊勝摺

入晉追擒屢勝摺

請飭湖廣迅撥協餉採辦軍米片

餉項將罄請催江南等省協餉撥案借用洋商銀兩摺
請飭河南巡撫按月協解片

四川協餉請轉解甘省片

奏克復綏德及未渡河以前戰事摺

奏固原回衆自相戕害片

奏報督師入晉日期摺

捻逆東竄謹籌截剿摺

軍機大臣 字寄同治六年十二月初三日奉

上諭裕瑞桂成奏撥兵遏守口外要隘籌辦布置情形
趙長齡奏陝匪竄入吉州抽兵堵剿各一摺陝省回捻
時思竄越晉省裕瑞擬於包頭河口駐兵防守而以察
哈爾馬隊并續調官兵分撥防邊兼爲後路策應并請
飭令左宗棠撥出一旅渡黃入晉進趨河保所轄固屬
周妥惟此時陝匪已由宜川搶越水橋竄入吉州黃河
業經失險晉省所屬地方在在均堪竄擾左宗棠督辦
軍務日久未能肅事反縱賊踪東渡趙長齡陳湜毫無

備禦致賊竄入晉疆實堪痛恨均著交部嚴加議處趙
長齡見已帶兵出省著卽檄調各路兵勇相機扼要堵
截并著陳湜督率所部進出隰州一帶迎剿毋令蔓延
他處左宗棠前奏有捻回如過河竄晉卽提率軍先清
晉省再行入秦并有令劉松山郭寶昌等軍追入晉省
之議著該大臣一面撥兵渡河赴晉追剿一面相度機
宜親督各軍入晉將此股賊匪就地殲除力贖前愆倘
再因循玩忽任令蔓延四竄致誤大局自問當得何罪
陝省回捻交乘左宗棠并當與庫克吉泰喬松年劉典

會同勦辦迭迭殄滅毋再玩延晉省毗連直豫到處可
通官文李鶴年務宜迭籌兵勇揀派得力將弁扼要嚴
守勿任竄入邊境太原省城著趙長齡飭令胡大任嚴
密守禦陝捻既竄晉境難保沿邊一帶回逆不乘機由
草地竄近薩托等處著祁瑞等督飭馬陸各軍實力防
堵毋稍疏虞將此由六百里加緊諭知官文左宗棠庫
克吉泰祁瑞桂成喬松年趙長齡李鶴年并傳諭劉典
陳湜知之欽此

奏宮軍入晉追擒逆賊摺

奏爲官軍渡河入晉追剿擒逆克復吉州追退鄉甯踞
賊并解河津稷山之圍叠獲勝仗謹先將大略情形馳
報仰祈

聖鑒事竊擒逆渡河犯境臣已於十一月三十日恭摺
馳報并以運城鹽務重地飛調豫軍就近援守附片陳
明旋據前甘州提督馬德昭呈稱於本月初一日戌時
全軍渡河馳援還城計初四日必可抵防矣初三日接
郭寶昌絳州來稟知劉松山郭寶昌兩軍業經渡河其

報渡河日期與克復綏德州城及前在北山勦擒
回軍報則至今尙未接到見據郭寶昌稟十一月二十
五日與劉松山探悉擒逆攻破吉州鄉甯兩城卽於二
十六日五鼓分路進剿沿途賊騎絡繹往來郭寶昌令
遊擊李華文率馬隊掩擊擒斬數十墜崖死者更衆行
至吉州城西五里城中賊四五千出拒郭寶昌飭副
將宋朝如胡國龍副將銜遊擊隋君廷方廷芝率隊迎
擊副將郭運昌王鳳鳴率馬隊繞出賊右該逆正與宋
朝如等下馬死鬪適郭運昌等自右橫截斃賊六七十

名生擒五十餘名奪馬百餘匹該逆奪路向東敗走不
及入城劉松山亦擊敗城北之賊遂將州城克復郭寶
昌所部陣亡勇丁十餘名此二十六日劉松山郭寶昌
兩軍克復吉州實在情形也是夜劉松山郭寶昌留千
餘人駐吉州守護輜重二十七日五鼓各督隊向鄉甯
進剿行三十餘里探悉捻逆甫出城竄走復疾馳三十
餘里追及尾賊劉松山郭寶昌揮軍奮擊賊卽狂竄追
十餘里日暮收隊夜間該逆前股已進河津後股在西
魚口一帶阻官軍出山之路劉松山郭寶昌卽於二十

八日五鼓拔隊辰刻出口賊騎七八百悉被官軍衝散
郭寶昌督隊追殺三十餘里斃賊三百餘名生擒八十
餘名奪獲騾馬三百餘匹擒逆大股方圍河津縣城見
敗賊被勦南竄亦相率遁去官軍夜駐楊秀邨二十九
日五鼓拔行遇賊騎百餘李華文王鳳鳴等率馬隊擊
之擒斬甚多據生賊供稱逆首張總愚方率大股圍攻
稷山縣城城垂破矣郭寶昌督隊馳抵稷山城西二里
許遙見城上輒石如雨賊猶猛攻卽揮馬隊擊之賊駭
走躡追二十餘里張逆見官軍逼近率千餘騎回頭猛

撲郭寶昌飭馬隊奮擊千總張宗之李大有首先陷陣
身被鎗子重傷各勇登進正鏖戰間宋朝如等出隊馳
至降卒指認首逆張總愚鎗礮隊連環向擊張逆敗逃
官軍乘勢追殺二十餘里至絳州城西十里之龍泉鎮
收隊是日陣斃長髮老賊六七十名沿途斃賊三四百
名奪獲騾馬六百餘匹救出難民千餘人郭寶昌所部
陣亡九名受傷二十餘名此十一月二十七二十八二
十九等日追賊獲勝鄉甯賊遁河津稷山解圍之大畧
情形也劉松山一軍文報由陝境馳遞者因回逆土匪

中梗尙未遞到計斬馘亦當不少惟山西河東河道楊
寶臣稟報捻逆分股竄擾太平縣境而劉松山郭寶昌
兩軍前月三十日以前尙無追過太平縣之耗是捻逆
此時或已於太平合股前竄無從懸揣臣已飭劉松山
郭寶昌速於韓侯嶺以南蹣踪緊追前有險隘難以善
脫遇晉軍攔截可收全功否則須繞道而東截其折犯
直隸之路方於大局有濟也見已一面咨行山西撫臣
趙長齡按察使陳湜派兵嚴扼韓侯嶺等處險要隘口
矣臣聞前竄河津稷山等處慮賊垂涎河東蒲解運城

其時未接劉松山郭寶昌呈報行抵何處消息擬調西路十營親率渡河就近截剿茲賊既已經劉松山郭寶昌擊敗折而北竄劉松山郭寶昌又已猛蹕而前臣卽率步軍出潼關渡河前進距賊已千餘里日連一日勢不相及且其勢又出劉松山郭寶昌之後於棧局殊無所取而未及渡河之賊經劉松山郭寶昌截斷者疊據宜川韓城澄城邵陽稟報蜂屯蟻聚倏往倏來人數實亦不少臣見調西路之兵取齊後擬先將秦境廓清然後整旆東行庶在秦之賊不致乘隙狎入晉境之賊

不致續有增益乃期兼顧惟慮賊如由平陽迤北折而東趨劉松山郭寶昌之軍或落賊後則太行西麓仍不免竄越之虞見調臣軍翼長記名副都統喜昌所練吉林馬隊一千二百騎步隊二百名並經西安將軍臣庫克吉泰精選所部副都統安住全福馬隊五百三十騎與喜昌合隊由潼關取道河南孟津渡河出天井關趨山西澤潞一帶相機截剿爲直隸增域外屏藩爲山西壯東路聲勢已於初五初六初七等日啟行臣均發兩月口糧馬乾銀共五萬餘兩足敷裹帶之用過臣營時

親加驗門上飽馬勝敗齊勻驟似尙可用其河南直隸
各關應請

飭下各督撫臣嚴加防守以杜窺伺所有追軍入晉屢
獲勝仗大畧情形及先派馬隊由河南取道傍太行西
麓相機截剿緣由謹據實地陳伏乞

皇太后

皇上聖鑒訓示施行謹

奏
同治六年十二月初八日

軍機大臣
字寄同治六年十二月十四日奉

上諭左宗棠奏官軍人晉勦擒獲勝情形一摺覽奏已
悉所稱克復吉州並解河津稷山之圍與趙長齡所奏
略同惟現在捻蹤已至淇洞劉松山郭寶昌兩軍由平
陽進剿該大臣調壽昌安任全福馬隊從天井關趨澤
潞一帶相機截擊尙屬合宜即著催令迅速前進以期
迎頭攔擊韓侯嶺爲太原門戶前經陳提派兵扼守趙
長齡計日亦可趕到著卽督飭各軍嚴加防守毋許一
匪竄越致滋蔓延宜川一帶捻逆雖多晉省無知兵大
員督辦事無承稟恐未能迅速藏事前調宋慶程文炳

等軍由獲鹿赴晉張曜余承恩兩軍由臨沼關進發並
將陳國瑞發往該大臣軍營差遣客兵愈多必得左宗
棠親往督辦方可調度合宜著仍遵前旨兼程東征其
宜川等處擒匪另派妥員防剿俾得移緩就急廓清晉
境再行返旆而西以紓屢念並著陳湜嚴防西面沿河
一帶毋使匪衆再有闖入直隸河南各要隘並諭官文
李鶴年加意嚴防懍遵前旨相機辦理毋稍疏懈昨據
御史王道源奏條陳晉省防剿事宜所稱進兵道途固
屬詳細第兵機無定難以遙制著左宗棠趙長齡酌量

調度周敬銘如已就痊並著趙長齡知照合赴大原省城幫辦防守事宜並將石炭關預爲布置晉省團練有名無寔丁憂候補侍讀邢世長人素謹飭趙長齡傳知該員會同原辦之紳士田雨公趙德轍體察民情認真妥辦河保暨歸化包頭一帶著裕瑞等督飭馬陞各軍並新調察哈爾官兵嚴密堵禦口外各廳晉趙長齡酌量派員幫同稽查勤辦期免疏虞王道源原摺著抄給左宗棠趙長齡閱看將此由六百里諭知官文左宗棠裕瑞桂成趙長齡李鶴年並傳諭陳湜知之欽此

宜君剿回獲勝中部收復并涇州情形片

再十一月二十六夜劉興聞宜君石底于又有大股回
土各匪由吳家邊竄至青草坪飛飭提督銜記名總兵
劉端冕等星夜由米子出隊以杜該逆窺伺廟灣內犯
涇州之路劉端冕等卽分道逆擊二十七日黎明齊抵
青草坪該逆聞風先遁以遊騎分佔山岡防官軍追擊
劉端冕與參將喻先知躡追十餘里至茅茨嶺賊眾回
撲劉端冕督隊奮擊當斃執旗騎賊三名賊卽敗潰追
至轉角地方日暮收隊計共斃賊一百八十餘名生擒

五十三名奪獲牛馬騾驢其一百六十七頭旗幟刀矛
無算當將耕牛發給鄉民認領此劉端冕等迎勦另股
回土各匪獲勝情形也其洛川中部一帶回土各匪經
高連陞擊退後遠遁邠州張邨驛王家角一帶時有雲
騎窺探距中部四十里之隆坊鎮出沒無常高連陞派
參將彭德沅赴中部坐探二十八日辰刻彭德沅負傷
回營據報二十七夜四鼓突有回土各匪數千人由隆
坊直薄中部縣緣梯入城比率隨偵探親兵巷戰身被
數槍賊衆麤至遂從西門城上躍出馳回稟報等語局

連陞卽督隊往剿已刻抵中部該逆正在焚掠見官軍至紛紛竄走高連陞督隊涉河分路進擊該逆越嶺狂奔追十餘里至大賢村賊騎駛進不及而還入城救火安撫商民衙署倉廩均未被毀居民被害者幸尙不多惟總兵胡世英委員領解餉銀軍火適至縣城所解餉銀一萬兩火藥數百斤號衣數百件均被搶去高連陞因賊已遠竄又遇大雪未便窮追留副將鄧玉魁一營七成行隊駐紮縣城以資鎮壓自率各營回駐偏橋此十一月二十七夜中部縣城突被回土匪闖入高連陞

督隊馳剿次日卽收復縣城之實在情形也見在洛川
以北鄜州延安一帶回氛四塞劉厚基一軍久未得其
稟報而甘肅各路回逆及陝回之被剿入甘者皆屯踞
甘肅涇州境內據涇防提督張在山及涇州印委各員
稟報該州四圍皆賊出城二十里悉爲回巢民間寨堡
盡被攻破占踞賊衆七八萬涇州萬分危急等語臣查
涇州爲陝甘咽喉地勢最當衝要上年楊岳斌劉蓉等
調集七十餘營會剿犯涇之回始得全保州城此次回
衆更多於上年而臣所派西路鳳翔岐山一帶之十餘

營除見調隨征入晉陸續東來外僅有二營駐守鳳翔
不能調派進剿幸邠州三水防剿稍鬆已飛飭道員黃
鼎及已革提督譚玉麟兩軍移緩就急由邠州長武馳
援涇州矣除申部文武下落再行查明具

奏外所有宜君青草坪剿回獲勝及中部縣城猝被回
土各匪闖入失去餉銀軍火旋即收復縣城并涇州危
急見籌援剿各情形謹附片馳陳伏乞

聖鑒訓示施行謹

奏
同治六年十二月初八日

軍機大臣奉

旨覽奏均悉中部等處匪徒雖經擊退難保不再萌窺伺著責成劉典高連陞相機勦辦涇州回氛甚熾著飛飭黃鼎譚玉龍迅速赴援毋稍延緩中部文武各員下落并著左宗棠查明具奏欽此

挑選吉林馬勇片

再臣前奏吉林馬勇難以起戰擬從新整理情形欽奉寄諭左宗棠另摺奏新募吉林礮手冗雜不堪應用等語此項馬隊沿途逃逸甚多馬匹亦多倒斃本日已明

降諭旨將原募草率之富明阿議處矣其帶兵之員沿途未能約束亦難辭咎著左宗棠查明叅處見在存營勇丁仍著該大臣斟酌挑選其尙堪適用者留營訓練其餘槩行裁撤責成派出之員管帶回旂毋任沿途逃逸等因欽此欽遵行知都統銜前護軍統領常星阿認真挑選適記名副都統喜昌來營復委赴省關與常星阿從新揀汰據稱礮手實屬無多臣比飭將尙堪訓練者亦准收錄乃得一千二百四十人另選營總扎蘭管帶分爲四營其次亦留三百餘名隨同練習由喜昌

專司訓練蓋以此起馬勇遠道來秦用餉已巨汰遺時
又需籌費但使需以時日能訓練成軍卽多費坐食亦
終勝於遣撤之虛擲巨款也又次者酌量改補長夫除
補夫及病故外尙有五百零四名實係不堪訓練當飭
原派正統領桂廉將何如資遣帶回悉心酌議去後據
桂廉稟復除甲兵西丹旗丁八十餘名外僅有吉林民
勇十五名奉天民勇四十四名共五十九名實係吉林
奉天民籍有家可歸應仍帶回原籍其餘流寓奉天民
勇五十四名直隸民勇一百三十名山東民勇一百六

十一名山西民勇十七名江南民勇二名共三百六十四名雖係募自吉林其實到吉林未久不但無家可歸且係游手之徒擬請就地遣散令其各回原籍等語臣查桂廉所稟尙係實在情形與其全行帶回吉林徒多糜遣撤之費不若就地遣散回籍俾該民勇等得歸故里而吉林省城亦藉少游手好閒之徒業經分起交桂廉與原派副都統常林帶赴潼關資遣回籍其裁撤員弁及甲兵丹旂丁八十一名吉林奉天民勇五十九名均各寬給川資由桂廉等管帶各回旅籍沿途地方官

但給車輛不准稍有需索擾累桂廉等。管。外秦
馬匹初因天旱馬渴繼爲水潦所困以。過半其
勇丁沿途逃逸該統領營總既非勝募之。行迫促
弁未給冊點名途中遇水遇雨以素未相習之新勇長
征數千里又值淫霖積潦跋涉維艱致多逃逸其未能
約束之咎似尚可原應懇

恩免予查叅見在挑留之弁兵丁勇經喜昌實力整理
盡心訓練大異從前馬匹加以秣養亦有九百餘匹堪
用臣復籌配一百餘匹換給洋鎗八百餘桿更資得力

除將遺回游籍員弁甲兵西丹旗丁民男錄冊咨送吉林將軍查照外謹附片具

奏伏乞

聖鑒訓示施行謹

奏
同治六年十二月初八日

擒回土匪合擾邵陽等處先籌痛剿摺

奏爲黃河西岸宜川韓城一帶地方擒回土匪糾合竄擾出沒邵陽澄城洛川各境先籌痛剿以免續竄晉境而保秦省腹地恭摺馳

奏仰祈

聖鑒事竊臣於本月初八日曾將官軍入晉剿擒屢獲勝仗大畧情形及未渡河之賊亟籌剿除以期兼顧各情恭摺陳報時方據邵陽稟報賊騎由邵陽陳益邨甘河子等處竄至澄城之岔河邨由八十畝川入山奔赴

洛川之石堡曹店等處而韓城縣又報宜川一帶拾回
各逆分由神道嶺沙河腦窺牛心峽白馬灘等處意圖
內犯適臣檄調西路之總兵周紹濂二千人周金品三
百餘騎由岐山鳳翔馳抵臨潼當飭營務處提督銜總
兵馬復震率臣親兵四百餘人督同駐紮蒲城之副將
戴定邦一營會同周紹濂周金品所部由郃陽韓城取
道黃河西岸前赴宜川兜擊而西劉典亦抽調提督銜
總兵劉端冕二千人益以總兵李大有一營及親兵三
哨赴洛川兜剿高連陞所部駐宜君偏橋鎮以備截擊

其鳳翔調回之記名提督楊和貴五營則令暫駐渭北以候調遣務期先將此股擒回土匪痛予剿洗庶不致續渡水橋更增晉境之賊而秦中腹地亦免再遭蹂躪乃爲秦晉兼顧昨於十一月接據山西按察使陳湜初五日稟報據探渡河竄晉之髮捻老賊不過數千人劉松山等初四日在洪洞擊賊大獲勝仗該逆回竄平陽又爲晉軍邀擊等語又據提督馬德昭呈報擒逆復由太平之大李村渡汾而南竄擾聞喜曲沃絳縣一帶運城城防經馬德昭初四日到防布置已有頭緒等語劉

松山郭寶昌初四日獲勝情形尙未接其續報以馬德昭所探賊踪揣度劉松山等回軍追剿情形官軍當已在賊之東而臣所派赴澤潞一帶之馬隊更在劉松山郭寶昌兩軍之東喜昌所部一千二百騎初八日已抵潼關十七八可抵澤州府境安住全福所部五百餘騎距喜昌行程不過一日此起馬隊速到太行西麓則晉省東路聲勢已壯當可杜賊東竄之謀山西撫臣乍聞賊入晉境未悉賊數多寡及是否全股渡河其奏報緊急情狀自在意中合將近日所接各稟報大畧情形先

行陳及所有臣見籌先剿黃河西岸捻回土匪以期秦
晉兼顧緣由謹由驛馳陳伏乞

皇太后

皇上聖鑒訓示施行謹

奏

歸綏邊防無警請調馬隊赴晉剿捻摺

奏爲甘肅回土各匪業經定邊官軍擊退歸綏邊防無
警西安將軍所部馬隊已調由河南赴晉邊截剿捻逆
庫克吉泰應否緩赴陝甘毗境請

旨遵行事竊臣於十一月二十四日欽奉

寄諭以董高二逆分路滋擾定邊一帶逆黨由西路日漸東趨蒙兵單薄防不勝防而捻逆現又竄陷延綏包頭一帶防務尤關緊要左宗棠當速派兵勇將此股截回無任肆意奔突庫克吉泰著卽統帶所部出省相機剿辦二十七日欽奉

寄諭昨有旨諭庫克吉泰統兵出省將陝甘接境賊匪相機剿辦卽著懍遵前旨迅速出省截剿不准稍涉遷延致干重咎欽此庫克吉泰接奉

諭旨後比卽欽遵出省恭摺陳報臣維陝甘邊境在甘
爲靈州在陝爲定邊山靈州而南爲環縣爲慶陽府合
水縣爲甯州涇州東連陝西邊界由定邊而東南爲靖
邊東北爲懷遠又東北爲榆林府由榆林而東北始接
歸綏邊界綏遠城將軍前奏董高二逆滋擾定邊一帶
係指十月十九日蒙兵接仗失利而言維時臣接甘泉
縣稟捻逆邱大壯竄向銀條梁一路亦慮其與董幅祥
合夥東趨包頭故於大同鎮馬陞撥兵千名防河保時
雖嫌其單而不敢強其多調誠慮顧此失彼也現在邱

逆已折而南竄其已由龍王迎七狼窩過河竄晉與否未可知而此逆之寔本東竄明矣董高二逆本甘肅環縣土匪與甘回一黨而飢民潰卒爭附從之頃接統領英禮效勇步十營提督銜總兵胡世英十一月初四日定邊縣來稟據稱十月十五日帶隊行抵銀條梁十七日接防守安邊之營總叅領托雲佈緘稱回逆馬步數千犯磚井安邊一帶胡世英十八日至安邊十九日會同托雲佈及營總敦奇祥阿各帶馬隊馳至磚井則蒙兵已被逆賊擊敗折損馬隊二百餘二十三日有騎馬

回逆三百餘竄撲安邊東門三十里之郭家渠胡世英
與記名副都統貴陞率馬步隊截之沙灘中一鼓殲之
奪獲戰馬二百餘匹其南山屯聚之賊時又下竄靖邊
屬之張家砭石渡口等處二十八三十日等獮首馬拉
拉白有義糾集蒙城維州禹王城半箇城墨城子一帶
獮衆圍撲定邊縣城貴陞聞警趕回定邊堵擊陣亡馬
隊官兵十三員名十一月初一日胡世英留營守安邊
親率馬步隊回援是夜抵定邊東門外十五里梁家圈
卽督隊襲之城圍立解初二日胡世英貴陞合隊追賊

三十里至鹽廠堡擒斬數名該逆均已由草地向西南竄去胡世英旋收隊駐定邊北胡世英一軍及安邊定邊靖邊派防馬隊擊退回土賊匪之大畧情形也計穆圖善當已據實馳報綏遠城將軍裕瑞因十月十九日蒙兵失利思預嚴包頭之防計拜摺後亦必偵知此起賊蹤距銀條梁又遠矣庫克吉泰此時赴陝甘毗境進剿必取道涇州慶陽邊境北行以向靈州山徑峻狹馬隊旣難施展地方又經兵燹土曠人稀軍糧芻豆無從採運恐未到靈州先已自困此所宜慮者一也慶陽被

回土各匪圍困已久穆圖善未接督篆之前原擬先解
慶陽之圍嗣因戎務倥傯不果雷正綰商調涇防提督
張在山所部三營隊伍會合親率前進援剿現尙未能
解此重圍而涇州又被陝徇禹得彥馮君福等圍逼涇
州文武告急之稟言徇至多至七八萬近復攻破近城
民寨數十被脅從逆者亦復不少臣前調道員黃鼎已
革提督譚玉龍率十三營由長武進剿其時尙未知賊
勢披猖至此也須所調西路各營馳至而汧陽涇州警
報旋來臣方憂西路空虛無軍援應庫克吉泰若復北

行則西路祇有鳳翔防軍總兵左日升于奇泮兩營岐
山扶風興平武功乾州醴泉一帶虛無一兵縱黃鼎譚
王龍轉戰而前事機順利而後顧茫然局勢終欠周妥
此可慮者二也庫克吉泰所部馬隊如全福安任尙稱
能戰然長征日久馬力漸疲挑選精騎僅五百餘耳前
因捻逆竄入山西臣擬渡河進剿庫克吉泰緘商先其
所急令同臣部新練吉林馬隊相繼東行現隨庫克吉
泰出省者馬隊無多所部步隊僅總兵王其發一營副
將吳得勝一營又早撥道員黃鼎統帶將士均楚屬所

產用之邊塞慮非所宜此外尙有出勇一營其中多曹克忠部卒北人尙自不乏然亦單矣庫克吉泰率此過征所歷皆積年賊踞窟穴難言確有把握此可慮者三也竊維董高二逆老巢在花馬池一帶距甯夏不遠由甯夏而東吳旂地方原駐有步隊三營安邊靖邊定邊駐有馬隊數起延安駐胡世英英禮效勇十營沿邊馬步皆由甘肅派撥之防軍而現署甯夏將軍金順勇毅善戰臣久聞其名入秦以來備詢諸將士馬隊統帥之材無不首推金順者可否仰懇

皇上天恩飭下署甯夏將軍金順挑選所部精騎並統
沿邊馬步各隊及胡世英各營於草長麥熟時尅期東
征除此積年邊患實爲時局之幸由甯夏出師先犁其
巢穴得高屋建瓴之勢利一也沿邊各馬隊無所統紀
步軍無人節制不能捍圍備善擾民以甯夏將軍統馭
甘肅兵馬威尊令肅利二也收鹽池之利以贍軍紓蒙
古之患以恤藩部利三也愚昧之見是否有當謹據實
直陳伏乞

皇太后

皇上聖鑒訓示施行謹

奏同治六年十二月十二日

官軍援慶陽疊勝摺

奏爲官軍進援甘肅慶陽府沿途疊獲勝仗攻拔回巢
收撫土匪已抵慶陽盤客地方防軍聯絡恭摺馳陳仰
祈

聖鑒事竊固原提臣雷正綰一軍合提督張在山派赴
各營於十月二十四十一月初一等日先後進至旱勝
地方將距旱勝十餘里之曹家堡下雷家小戶曹家石

家城子等處賊騎於初二日一戰擊退斃賊二百餘名
生擒四名落澗死者甚衆餘賊退踞溝東初三日雷正
綰督隊踰溝進剿密遣副將朱學義等統赴賊後兩面
夾擊斃賊百餘名奪馬二十七匹賊向平子一帶竄遁
官軍回駐早勝向慶陽一路前進由清華堡秦家堡安
定堡節節剿洗遂抵甯州之武漢原原北賊巢林立並
有回土各逆於大莊築卡慶陽要路雷正綰於十六七
入等日派隊環攻大莊賊卡至十九日五鼓拔之獲鎗
礮百餘件驟馬無數當將卡中回土各匪分別誅宥附

近之路戶邵家金曹百戶村等處十餘寨均聞風震懾
雷正綰所部於攻大莊賊卡時陣亡都司左金玉劉振
彪外委楊桂林及勇丁共十三名受傷十六員名二十
一日雷正綰酌撥隊伍扼劄要隘以顧後路糧運親督
總兵沈大興叅將郭萬春游擊趙金標都司李廣珠已
革提督劉正高及張在山所部副將鍾本起游擊顏宣
等進紮黑莊大安堡距甯州所屬之襄樂賊巢僅十餘
里雷正綰訶知回衆方往上川運糧乘夜督隊襲擊斃
賊百餘名奪獲騾馬驢共四百餘匹將賊截而爲二

股西竄一股奔回襄樂二十二日官軍直逼襄樂賊巢雷正綰督隊環攻諭解脅從一鼓克之當將悍回悉數駢誅救出難民七百餘名官軍受傷三十五名二十三日辰刻援賊大至馬步約三四千人雷正綰出隊迎擊陣斃悍回數十名川中坎窞旣多騎賊不能馳騁官軍奮力進剿復斃賊二百餘名生擒十六名奪獲騾馬二百餘匹日暮收隊該逆已敗退方村附近一帶矣二十五日五鼓雷正綰令沈大興劉正高率隊分伏左右溝中親督趙金標李廣珠等由川中進行十餘里逆回率

黨拒鬪官軍佯退俟賊追近伏兵齊起斃賊甚夥生擒四十六名奪騾馬百餘匹賊大敗狂奔官軍蹣跚追擊沿途斬馘甚多方村土匪遂開堡迎降縛獻回逆雷正綰訊明回逆斬之赦漢民之被脅者自方村至慶陽官軍所駐之盤客地方計三十里其間二十餘里悉爲賊藪雷正綰檄駐紮盤客之總兵孟玉德等出隊與雷正綰夾擊各匪以通大道二十六日黎明雷正綰甫抵路旁二堡孟玉德等馳至聲勢更壯各堡匪黨懾於軍威不敢抗拒羅拜乞撫遂收三十餘堡受降二萬餘人分

別遣散糧路已通雷正綰已抵盤客與孟玉德等防軍
聯絡距慶陽僅八十餘里矣臣等伏查甯州慶陽之間
徧地皆賊雷正綰激勵將士轉戰而前所過之處擒馘
回逆解散脅從已距慶陽不遠從此掃蕩而前直抵慶
郡當可迅解城圍所有官軍進援慶陽沿途疊獲勝仗
攻拔回巢收撫土匪情形謹合詞恭摺馳陳伏乞

皇太后

皇上聖鑒訓示施行謹

奏

同治六年十二月十五日

軍機大臣 字寄同治六年十二月二十二日奉

上諭左宗棠奏擒回土匪合擾邵陽等處先籌痛剿以免續竄晉境官軍入晉後剿擒屢勝賊向西南敗竄歸綏邊防無警已調馬隊由河南赴晉剿擒穆圖善奏河州東鄉回匪圖抄官軍後路現在布置情形各摺片覽奏均悉黃河西岸各匪糾合竄擾邵陽澄城洛州等處意圖內犯左宗棠現飭周紹濂等營分投防剿卽著檄飭派出各軍協力兜剿務將此股擒回土匪就地殲除毋令續渡冰橋更增晉境之賊其竄晉擒匪前據趙長

肅李鶴年先後奏報該匪由山沃南竄垣曲並已竄近
河南濟源縣境河北軍情甚形喫緊著左宗棠仍遵旨
兼程赴晉惟匪蹤現已南趨應如何擇地駐紮居中調
度之處並著妥籌辦理左宗棠當激勵官軍分路截擊
以期一鼓聚殲毋令四出蔓延又成不了之局該大臣
赴晉後並著庫克吉泰喬松年劉典督飭各軍嚴遏匪
蹤勿稍鬆懈左宗棠以西路空虛庫克吉泰若復北行
無軍援應著卽照所請庫克吉泰暫緩前赴陝甘毗境
該將軍現在咸陽卽體察情形相機布置以壯聲援賊

蹤距銀條梁雖遠包頭等處防務仍著裕瑞桂成妥籌兼顧嚴防回竄毋稍疏虞董高二逆老巢在花馬池一帶必須擣其巢穴方能制賊死命該處距甯夏甚近金順帶隊尙稱勇敢著卽挑選所部精騎並統率沿邊馬步各隊及胡世英各營尅期東征迅殲醜類甘肅河州東鄉四匪糾黨抗拒官軍穆圖善以兵力未齊尙難進取先將前敵事務布置暫行旋省卽著嚴檄王得勝等趕緊拔隊前進不得託故遷延穆圖善俟各軍進發仍卽由省督辦以赴事機副將胡先勝在站坪地方接仗

少卻幾至貽誤暫行革去頂翎以示薄懲正在寄諭間據左宗棠等奏雷正綰等軍進援慶陽沿途迭獲勝仗攻拔回巢收撫土匪雷正綰已抵盤客地方距慶陽僅八十餘里著左宗棠等嚴飭雷正綰統率所部與孟玉德等防軍互相聯絡掃蕩而前迅解城圍肅清疆圉將此由六百里諭知左宗棠庫克吉泰穆圖善裕瑞喬松年金順桂成並傳諭劉典知之欽此

入晉追擒屢勝摺

奏爲官軍入晉後追剿擒逆屢獲勝仗并於洪洞地方
繞出賊前分路截剿大獲勝仗賊向西南敗竄謹將廣
東提督劉松山戰事恭摺先行馳

奏仰祈

聖鑒事竊劉松山郭寶昌兩軍入晉追剿擒逆克吉州
追退鄉甯踞賊解河津稷山兩縣城圍大略情形臣已
據郭寶昌稟於本月初八日恭摺陳報嗣據劉松山呈
報十一月二十六日進攻吉州北城騎賊出城分路拒

戰步賊負郭列隊援應官軍擊斃騎賊甚多步賊疊前
猛撲騎賊旁抄劉松山督隊鏖戰陣斃悍賊尤夥賊勢
不支傍城東竄劉松山一面派隊追擊一面攻入北門
時郭寶昌亦入西門城中之賊及傍城東竄之賊經官
軍併力截殺四散潰逃復追殺五六百名墮溝死者無
算追出二十餘里而還劉松山一軍是日共斃賊千餘
名生擒二百餘名奪獲騾馬六百餘匹軍械數千件我
軍陣亡勇丁七名受傷二十四名其鄉甯河津稷山解
圍情形與郭寶昌所報相同劉松山所部沿途斃賊八

九百名奪獲騾馬二百餘匹陣亡勇丁二名受傷六名
此克復吉州及鄉甯河津稷山等處追賊解圍各勝仗
中劉松山一軍殺賊情形也本月初一日劉松山與郭
寶昌由絳州東北分路追賊初二日抵平陽府初三日
兩軍合追二十里至喬李鎮又行七八里始及賊騎賊
反撲經馬隊擊卻乘勝追七八里沿途斬馘甚夥日暮
收隊是夜探悉捻逆悉踞柏家莊新莊原店一帶盤踞
多邨已近洪洞又訊據生賊供騎賊分踞新莊原店向
前開路張逆帶步賊踞柏家莊在後把尾等語劉松山

郭寶昌商留兩營守壘多放號火虛張聲勢於三鼓各督隊銜枚疾趨由南路折至東北繞出賊前郭寶昌攻新莊劉松山攻原店初四日黎明劉松山飭提督易德麟總兵喻執益由左提督何作霖胡文高余虎恩提督銜總兵楊世俊由右自率提督陶定昇易致中由中路進攻原店踞賊並飭提督李就山唐光輝楊福交胡文高相機策應賊祇防官軍蹣追不意忽從前路襲擊驚惶失措劉松山督中左兩路將士衝入立破原店賊巢余虎恩楊世俊見賊衆潰走率馬隊自右抄出擊斃悍

賊不計其數何作霖胡文尚李就山唐光輝等分從左路猛進迭破賊巢適郭寶昌攻破新莊由左路追擊而來比卽合隊齊追賊騎被官軍追急不能成隊向西南敗走官軍奮力追殺直抵柏家莊首逆張總愚見騎賊潰敗糾黨傍村列隊迎拒官軍直前衝擊鎗礮環施刀矛繼進立斃悍賊數十名張逆亦向西南奔竄官軍追至康衢西阻小河該逆馬步蜂擁爭渡陷於淖者不可勝數悉被官軍追斬賊向平陽府回竄劉松山等收隊駐康衢自初三夜三鼓至是日酉刻猶未傳餐也是

役共計斬擒逆賊七八百名破賊巢數十處奪獲驛馬千餘匹拔出難民二千有奇賊中軍械拋棄滿地約已去三分之一劉松山所部陣亡弁勇四名受傷十三名郭寶昌攻破新莊獲勝情形尙未接其稟報此初二三等日官軍追賊獲勝及初四日官軍馳赴洪洞一帶繞出賊前迎頭截剿大獲全勝擒逆被創折竄之大略情形也伏查擒逆於十一月二十三日五鼓渡河劉松山郭寶昌自上游西岸疾馳截剿擊散未渡之賊卽於二十四日渡河追剿尙屬力赴戎機故臣於劉松山郭

寶昌自請治罪呈稟到時既念其入晉追勦已獲屢勝
又以其自知引咎不媿廉恥之將益愛重之但勉以發
憤勦賊不敢自存分謗之心歸咎將領此次劉松山郭
寶昌星夜馳繞賊前痛加懲創使賊不得直趨東北實
屬忠勇奮發深顧大局劉松山此報係初九日在絳縣
發遞計郭寶昌亦可抵絳縣矣據提督馬德昭及山西
河東道楊寶臣探稟賊於初七日由絳縣趨橫嶺關有
由垣曲出山之勢垣曲東路封門口爲入豫要隘業經
山西按察使陳湜撥垣曲水師勇丁扼守隘口臣又飛

咨河南撫臣嚴防封門口要隘及垣曲池東一帶各要隘以杜該逆窺伺豫省河北三府之計如能嚴扼隘口不令出山則劉松山等自絳縣躡追或可殲之晉豫之交也所有官軍進剿擒逆屢獲勝仗及淇洞地方繞截痛剿大獲全勝賊向西南敗竄大略情形謹先具摺馳奏伏乞

皇太后

皇上聖鑒訓示施行謹

癸 同治六年十二月十二日

請領湖廣巡撥協餉採辦軍糧片

再本年陝西爲秋霖所沓平陸成江歲收歉薄而兵燹之後地畝半就荒蕪現在糧價翔貴省城附近一帶米價粟價每斗均需錢二千文以上麵價每斤亦一百三十文爲百年來僅見之事渭河南北糧價稍平之處又爲山西商販羅運一律昂貴明歲青黃不接之際民食軍糧匱絕寔在意中臣現將應發各營欠餉酌留購糧而餉銀將竭糧路又窮若徒從陝境採辦更恐搜羅太盡大妨民食聞湖南秋收豐稔糧價較平尙堪購運康

熙雍正年間曾轉運楚米至陝平糶成案可援現在湖
南北兩省均有欠餉可催儘可藉資採辦查湖北協甘
餉銀臣過鄂時與湖廣督臣湖北撫臣籌議會

奏每月解銀二萬兩維時湖北布政司現護理撫臣何
璟面稱此數必可按月撥解無誤現計湖北所解協餉
除七月以後由藩庫撥解江漢關歸還洋商借款外其
六月以前協餉就湖北來文併籌濟臣軍行費銀二萬
兩亦抵一月甘餉綜計尙欠解五六月銀四萬兩湖南
欠解尤多應請

敕下湖廣督臣湖北湖南撫臣飭湖北藩司迅撥銀四萬兩湖南藩司迅撥銀二萬兩均解交臣陝甘後路糧事道員王加敏及會辦糧臺事務湖北按察使王文韶委員採辦軍米分批轉運由漢江流而上入甲河至陝西山陽縣之湯川關陸運至西安以供軍食水陸程途遙遠轉運艱難非仰懇

天恩飭下湖廣督臣湖南湖北撫臣迅將欠欸籌撥起解則購運又需時日深虞緩不濟急謹附片馳陳伏乞聖鑒施行謹

奏同治六年十二月十二日

餉項將罄請催江南等省協餉援案借用洋商銀

兩招

奏爲臣軍餉項將罄需用正繁且亟籲懇

天恩催提各省協餉以支危局並擬援案借用洋商銀

兩恭摺馳陳仰祈

聖鑒事竊臣所收各省協餉及洋商借款除酌撥甘省

津貼陝軍及慶涇一帶甘軍並酌濟客軍外以之散放

臣軍餉項本卽不敷年終之用數月以來節齎支發有

留各營餉項以爲敷衍之計新舊各營餉項已積欠三四五月不等近派馬隊赴晉省東路發給兩月行糧驟提銀五萬餘兩瞬屆年終各營稍事點綴所留供漚注之各營存餉亦無幾矣而需用繁亟更倍徒於初入秦時歲歉糧貴不得不預爲廣購以供來歲軍糈四月間四月之糧雖可待楚米運濟其來春三箇月軍食不能不就地先爲採儲秦省今歲昂貴異常計籌買三箇月糧所費寔屬不貲祇此勾留各營存餉不以購糧則來春糧價日益騰貴欲購更難以之購糧則開正以後將

並各營鹽菜銀兩亦無從籌發若移師入晉則糧價運
脚所費尤鉅此來年春季臣軍需用迫切之寔在情形
也陝甘回逆麇聚慶涇一帶陝回有具稟求撫者臣以
其情詞雖切而不繳馬械攻堡掠糧如故且所稟求歸
原籍萬不能准乃就前發分別勦撫告示逐條詰責指
其罪狀示以生路仍一意進剿匪回以免墮其計中回
之求撫雖屬寔情但撫回與撫髮捻不同撫陝回尤與
撫甘回不同籍隸西回各回衆與漢民仇隙既深必
不能相安無事自無准其回籍之理計惟於近陝之甘

境或陝省北山一帶漢回無仇漢民較少荒地較多之處徙漢置回暗寓徙戎之意方可以規久遠而免後患則移徙漢民有費安插降回有費陝甘接壤之區飢民難民相率爲盜股數衆多官軍進剿或環蹙乞命求予生路情寔可矜亦須安插賑濟則收撫從匪窮民又有費臣雖駐秦剿回軍事已漸及甘境若剿撫得手正宜籌發牛具籽種興墾荒地則興辦屯田又有費甘省兵多餉少其應裁撤者須及時酌撤卽陝軍亦有可撤者均以積欠太巨欲撤不能徒增積欠若再因循將愈不

可收拾則撤遣勇營更需鉅費此陝甘全局需用極繁
必須及早寬籌之寔在情形也本年各省協餉其經借
洋欸省分除抵撥洋欸外欠解尙不甚多惟廣東歸數
撥解福建則並提前解至七年二月止此外惟江西按
月撥解各督撫臣力顧西陲危局源源接濟寔深賴之
惟陝甘需用殷繁此後若仍俟各省按月解濟則隨到
隨盡必無應手巨欸堪以斟酌緩急隨時妥辦擬援太
年三月間

奏借洋欸成案再由江蘇浙江福建湖北廣東各海關

監督出給印票由各督撫臣加蓋關防交道員胡光墉籌借洋商銀二百萬兩會同江蘇蘇松太道應寶時與洋商交測由江甯浙江福建湖北廣東各藩司於同治七年二月至十一月連開十個月應協甘餉項下按月撥還解各海關發還洋商清欸一切查照上屆成案辦理惟胡光墉上屆籌借洋欸極費經營比以上海稅務司不肯畫押幾被阻撓聞總稅務司赫德到後曾言借餉於衆商外國常有之事並不須多費息銀等語可否敕下總理各國事務衙門轉飭赫德會辦此事督飭上

海稅務司盡押以期速成而息銀亦冀可稍省至臣軍
迫需之款則洋款尙不能濟急惟有仰懇

天恩敕下江南浙江湖北廣東各督撫臣將同治七年

正二兩月協餉及本年未解協餉於明春正二兩月之

交迫爲籌解以支危局臣力小任重處此無可籌畫之

區徒嗟仰屋近知山東山西協餉又以該省方有軍務

未便咨催卽所請推廣米捐雖將開局而章程甫出或

謂捐數貴於京銅局及黔皖各捐深恐捐生不前仍無

是濟晝夜籌思莫名焦灼若不及早綢繆寔恐臨時束

手貽誤匪輕合籲懇

皇上天恩俯念臣軍待餉情形危迫機局緊要

迅賜允照單開擬催擬借款目分別施行是於陝甘大局裨益非淺除將擬催各省協餉及擬借洋商銀兩指撥協餉歸款各銀數另繕清單恭呈

御覽謹由驛馳

奏伏乞

皇太后

皇上聖鑒訓示施行謹

奏同治六年十二月十五日

謹將擬催各省協餉及擬借洋商銀兩援案指撥協餉
歸款各銀數臚列清單恭呈

御覽

一江南本年六月分協餉銀二萬兩七年正二兩月分
協餉銀四萬兩共銀六萬兩

一浙江七年正二兩月分協餉銀共十四萬兩

一湖北除本年五六月分協餉銀四萬兩已附片請
旨催解作辦米款項外擬再催解七年正二兩月分協

餉銀共四萬兩

一廣東七年正二兩月分協餉銀共八萬兩

以上共協銀三十二萬兩

恩飭下江南浙江湖北廣東各督撫臣咨行各關監督
各歲三三月迫需

一江蘇海關監督代借洋商銀三十萬兩由江甯藩司
於七年三月至冬月連閏十箇月應協甘餉項下撥還
一浙江浙海關監督代借洋商銀七十萬兩由浙江藩
司於七年三月至十一月連閏十箇月應協新舊甘餉

項下撥還

一福建閩海關監督代借洋商銀四十萬兩由福建藩司於七年三月至十一月連閩十箇月應協甘餉項下撥還

一廣東粵海關監督代借洋商銀四十萬兩由廣東藩司於七年三月至十一月連閩十箇月應協甘餉項下撥還以上擬借洋商銀二百萬兩懇

恩敕下江南福建浙江湖北廣東各督撫臣咨行各關監督各出印票由各督撫臣加蓋關防發交道員胡道

塘迅速籌辦會同江蘇蘇松太道應寶時與洋商交割
分批起解並請

敕下總理各國事務衙門轉飭總稅務司赫德代爲籌
商督同上海稅務司畫押妥辦

請飭河南巡撫按月協解片

再河南協甘餉銀經部臣指撥每月一萬五千兩河南
未能照解臣前以河南方防勦逆捻恐其不遑兼顧未
敢固請協濟即部臣議令河南籌解臣營一月甘餉銀
一萬五千兩亦未咨催本年七月間以籌辦軍士寒衣

秦中物力人工均有未逮咨商河南撫臣李鶴年飭司
籌款代爲分辦旋據河南布政司卡寶第詳稱所發寒
衣價銀一萬一千九百二十兩作爲協解甘餉銀兩扣
算由河南撫臣咨部查照臣夏間自湖北取道河南宛
洛以達秦關所過之關見其堡塞林立民氣尙固雖頻
歲捻氛出沒而堅壁清野保全寔多寔非各省所及亦
非臣始料所及也本年秋收秦款豫豐兩省糧價殊絕
豫省義軍雖未滅於昔而民力物產奚啻十倍過之陝
甘鄰近省分山西四川湖北而外惟河南軌轍易道轉

運尤速緩急可恃以接濟應懇

恩赦下河南撫臣仍照部臣原議按月撥解甘餉銀一萬五千兩以咨協濟謹附片具

奏伏乞

聖鑒施行謹

奏同治六年十二月十五日

四川協餉請轉解甘省片

再四川與甘肅唇齒相依所有四川協甘餉銀就解甘省較爲近便應請

敕下四川督臣飭司將本年應協甘餉除扣還穀價外
一併解交甘肅委員轉解甘省以資接濟謹附片陳
奏伏乞

聖鑒施行謹

奏
同治六年十二月十五日

軍機大臣
字寄同治六年十二月二十二日奉

上諭左宗棠奏請飭湖廣巡撥應解協餉採辦軍米等
語本年陝西米糧昂貴軍糧缺乏採辦維艱據左宗棠
奏湖北欠解五六兩月協餉銀四萬兩湖南欠解尤多

亟應籌解採買以資接濟著郭柏蔭李瀚章劉岷何璟
各飭該藩司由湖北迅撥銀四萬兩湖南迅撥銀二萬
兩均解交陝甘後路總辦王加敏等委採辦軍米分批
轉運由漢江派流而上入甲河至陝西山陽縣之漫川
關陸運至西安以供軍食毋稍遲誤正在寄諭聞左宗
棠奏餉項將罄需用緊急請催提江南等省協餉援案
擬借用洋商銀兩開單呈覽並請飭河南巡撫仍按月
協解各片摺左宗棠新舊各營餉項積欠三四月不
等需用浩繁必須及早完備所有江南湖北浙江廣東

應解同治七年正二兩月協餉及本年未解協餉著會
國藩瑞麟馬新貽郭柏蔭李瀚章丁日昌李福泰何璟
各照單開如數籌撥務於明年正二月間解到該大臣
軍營以應急需本年三月間左宗棠奏借洋欸藉資接
濟深有裨益自可援案辦理所有續借用洋商銀二百
萬兩除已諭總理各國事務衙門辦理外著會國藩瑞
麟英桂馬新貽郭柏蔭李瀚章丁日昌李福泰卞寶第
何璟傳諭各關監督按單各出印票由各該督撫加蓋
關防發交道員胡光墉迅速籌辦會同應寶時與洋商

交割分批起解左宗棠原單均著抄給閱看河南部定
協甘餉銀該省未能照解著李鶴年仍照部議按月籌
撥銀一萬五千兩解交左宗棠軍營毋稍遲延將此由
五百里諭知曾國藩瑞麟英桂馬新貽郭柏蔭丁日昌
李瀚章劉峴李福泰李鶴年卞寶第並傳諭何璟知之
欽此

奏克復綏德及未渡河以前戰事摺

奏爲補報官軍克復綏德州城獲勝情形及廣東提督
劉松山安徽壽春鎮郭寶昌兩軍未渡黃河以前戰事

恭摺 聖鑒仰祈

聖鑒事竊自劉松山郭寶昌於十一月初六七抵清澗
後久未得其軍報節經臣宗棠專弁賫送緘牘交韓城
宜川轉遞輒爲回氛所阻近始陸續接得劉松山及郭
寶昌北山一帶所發各件而提督劉松山稟報亦至十
一月初九夜劉松山郭寶昌劉厚基偵知西德回逆甚
衆亟自田莊進薄綏德劉松山攻其南劉厚基攻其東
郭寶昌派二營助攻東路自督步隊攻綏德之東北以
馬隊伏城東各莊距城數里逆回東南分拒各軍迎擊

之劉松山進逼南關賊敗路猛撲郭寶昌劉厚基督隊
進攻賊亦死鬥各軍奮力轟擊各斃悍回數十名劉松
山攻破南關賊卡該逆驚潰不及入城均經官軍左右
截殺城中賊大亂悉向西北兩門奪竄劉松山一面派
隊追剿一面奪路入南門郭寶昌劉厚基亦攻入東門
穿城搜殺卽出城合軍追勦斃賊甚夥追至距城二十
餘里之石家灣收隊回城是日各軍擊斃賊約共三千
名撲河死者無算奪獲騾馬牲畜旗幟軍械不可勝數
救出難民三千餘名劉松山所部陣亡守備王春濤把

總張藻林及勇丁七名劉厚基所部陣亡都司羅瑞卿
守備張成保把總董興成彭玉林戴祥發等五名此十
一月初十日官軍剿回大獲勝仗克復綏德州城之寔
在情形也十一日據探回逆向西北竄走劉松山等正
思先其所急探勦擒逆十二日據報擒騎數百踞州西
南數十里地方當各派馬隊探至城西七十里之苗家
坪附近一帶擒獲逆二名訊供張逆經回逆勾結前來
綏德待冰渡河等語十三日各軍出隊至苗家坪東數
里據賊中逃出難民僉稱擒逆因官軍已克綏德回逆

業向西北竄走遂向西南折竄適米脂西北有大股回
逆劉厚基率二營往勦留四營守綏德劉松山等以回
逆竄西北捻逆竄西南均恐折而向東窺渡黃河苗家
坪地勢適中賊若繞向東趨南北均可馳截因暫駐以
探賊踪十六日據探報捻逆向瓦窑堡一帶竄走維時
劉厚基已調留守綏德四營北行劉松山等以捻回均
距綏德不遠亟須布置城防乃可追賊卽夕還軍綏德
留營駐守以顧河防適山西有約劉松山郭寶昌由軍
渡過河之議劉松山等以捻逆竄瓦窑堡稍東卽係延

川軍渡東岸皆山師行須繞山後與賊隔河又隔一山殊無所取不若由清澗延川延長宜川循西岸截勦猶可及賊緘復陳湜去後十八日拔行二十一日行至距宜川交口二十里地方聞交口西南二十里劉管村羊獻坪一帶有入股回逆盤踞劉松山等酉刻抵交口派隊築壘護守輜重二十二日五鼓各率七成隊先剿回逆以清後路劉松山等督隊襲劉管村郭寶昌攻羊獻坪回逆列隊拒敵副將王立洪王鳳鳴等躍馬陷陣賊圍之數重郭寶昌揮軍進擊賊益死鬥王立洪被賊鎗

矛穿胸卽歿於陣各將士奮力衝殺遂破羊獻坪回巢
劉松山亦鏖戰良久始攻入劉管村伏溝竄匿者抄擊
無遺賊向南路奔竄兩軍合追四十里至張家灘駐宿
沿途復斃賊四五百名是役也肅斃殺斃之賊及墮澗
死者約千餘名奪騾馬五百餘匹軍械無算劉松山所
部陣亡都司戴星懷及弁勇二名受傷十一名郭寶昌
所部受傷勇丁四十餘名此二十二日官軍中途勦回
攻破劉管村羊獻坪獲勝情形也是夜五鼓忽據馬探
馳報宜川南溝哨一帶踞有捻逆劉松山等以捻逆竄

近河干亟留二營待後路輜重各拔隊疾馳二十三日酉刻抵南溝哨旋據馬探續報龍王廸七郎窩東西兩岸均有火光劉松山郭寶昌卽督隊向龍王廸進發行十餘里馬隊擒獲騎賊訊供捻逆於二十三日五鼓衝過冰橋等語及至龍王廸賊衆馬步約三千人結陣河干扼守冰橋官軍直前轟擊斃賊甚多劉松山郭寶昌督飭各將士奮力衝擊復斃逆二三百名賊大敗上原奔竄酉刻官軍悉渡冰橋追剿竄賊至距河十餘里之史家莊沿途殺賊二百餘名時已昏黑軍士所裹糗

精悉已食盡飢疲殊甚遂收隊分驛能王延七郎竊東岸以待輜重此二十四日官軍鵜鷺擒逆渡河追賊情形也劉松山郭寶昌木思循河截賊不意二十二日爲劉營村牟獻坪大股回逆所牽制盡一日之力痛剿窮追比經擊敗回逆而擒逆已渡冰橋矣劉松山郭寶昌劉厚基所請克復綏德州城者員獎敘以未能扼截擒逆暫行停保而各軍勦回戰事未便概置弗論且其中力戰陣亡各員弁仍宜一體請

旨賜卹以慰忠魂總兵銜花翎儘先副將王立洪克復

綏德州城郭寶昌開單本擬請保總兵并給勇號主立
洪旋在羊獻坪陣亡可否

敕部照總兵例議卹都司戴星懷羅瑞卿守備王春濤
張成保把總張藻林董興成彭玉林戴祥發均請

敕部各照例議卹合將克復綏德獲勝情形及劉松山
郭寶昌未渡河以前戰事恭摺補報伏乞

皇太后

皇上聖鑒施行謹

奏

奏固原回衆自相戕害片

再准固原提臣雷正綰咨稱降回孫義章徒黨因從前孫義章謀殺降回赫明堂赫明堂之黨曾爲復仇謀殺孫義章彼此積嫌械鬥時相仇殺本年十月三十日孫義章之黨復殺傷赫明堂徒衆十數人聲言尙欲逐戶搜殺固原城中人心驚惶黑城子回民李正雲馬得忠馬得興等排解息事居民得以無恐據固原州知州蔣方直稟報並請派弁彈壓前來當卽派委妥弁前往彈壓等語查固原城中漢民甚少回衆尋仇械鬥已弁一

次此次勢尤洶洶正恐別滋事端茲據雷正綰次報實
祇回衆自相戕害旋經勸息除咨復雷正綰咨得文武
印委各員妥爲鎮壓外謹附片具

奏伏乞

聖鑒施行謹

奏同治六年十二月十七日

奏報督師入晉日期摺

奏爲恭報

微臣

率師入晉啟行日期仰祈

聖鑒事

臣

派兵赴韓城宜川一帶截勦未渡黃河之賊

及劉松山郭寶昌於山西洪洞地方繞出賊前大獲勝
仗各情形曾於本月十二二十四等日先後恭摺馳報昨
據晉昌馬德昭各探報擒逆於初九初十等日由垣曲
縣東竄河南濟源縣境臣以該逆既竄豫省河北一帶
若挺走東路則畿南防務必殷晉省兵力太單斷難足
恃劉松山郭寶昌初十日五鼓由絳縣向東南覓徑繞

截臣慮垣曲以東山徑崎嶇不如山南易行劉松山等軍必致又落賊後卽臣派赴澤潞攔剿之喜昌等馬隊一千七百餘騎亦成尾追就此時局勢而論臣仍宜由晉境東趨覘賊所嚮出賊之北由直隸南路出兵冀與追軍收夾擊之效如山行不遇大雪可迅踰太行以達畿甸擬卽於十八日拔隊入晉臣親兵三哨及副將戴定邦一營之赴宜川者飭其由韓城郃陽一帶渡河馳赴山西聞喜與臣合隊前進陝省回土各逆及髮捻尾股不時出沒防剿正需兵力臣所調西路各營如總兵

周金品周紹濂馬步二千數百人仍不能不留之秦中
臣但率親兵一千三百人及提督楊和貴二千五百人
副將戴定邦五百人副將楊鳳元都司丁太洋新集馬
步六百餘人合計四千九百餘人馬隊則不及百騎僅
供哨探之用此外皆步隊也喜昌等一千七百餘騎未
能卽與臣合隊祇可令其會合劉松山郭寶昌兩軍緊
追痛剿臣所帶皆步隊自陝西臨潼至直隸千數百里
遠道長征天寒晷短每日安營支帳約僅可行六七十
里而止到防恐需時日惟有趲程前進以速補遲而已

臣前月三十日拜發一摺尙未奉到

批回現因啟行迫促未便拘泥候

旨已將陝甘軍務咨交劉典暫行代辦蓋以臣軍將領
皆劉典所深知餉事原委亦劉典所素悉也遇有軍務
劉典仍會商庫克吉泰喬松年聯銜奏報一面抄摺咨
會臣處俾得與聞所有微臣啟行日期謹繕摺馳

奏伏乞

皇太后

皇上聖鑒訓示謹

奏同治六年十二月十七日

軍機大臣 字寄同治六年十二月二十三日奉

上諭左宗棠奏率師入晉啟行日期一摺賊匪由垣曲東竄河南濟源縣境劉松山郭寶昌兩軍已落賊後喜昌等前赴澤潞馬隊亦成尾追之勢左宗棠現擬親督兵勇由晉省赴直隸迎頭繞截惟賊騎剽疾異常現已竄至濟源恐其深入河北各州縣地方平原曠衍奔馳益疾左宗棠當隨時確探賊蹤應由何路繞道東行著隨時酌度辦理總期趨行迅速繞前堵截不可落後是

道致成不了之局所有陝省軍路卽交庫克吉泰喬松
年劉典督辦務期就地將回捻各逆殄除勿稍鬆勁捻
設是否全數竄入濟源抑另有分股盤踞晉省現在晉
省勦辦情形若何著趙長齡速行具奏並著該撫迅督
各軍嚴密布置扼守要隘毋任續渡冰橋直隸與晉省
交界各要隘已據官文奏稱派兵堵截著卽飭令征防
將士實力嚴守不准稍形鬆懈余承恩一軍並著官文
飭令迅速入晉助剿李鶴年當飭河北防軍認真堵截
並嚴催張曜等軍兼程馳赴河北各軍截擊勿任蔓延

是爲主要將此由六百里各諭令知之欽此

擒逆東竄謹籌截剿摺

奏爲擒逆東竄謹籌截剿情形請

旨施行恭摺陳仰祈

聖鑒事竊臣於本年十二月十七日已刻馳報率師入

晉啟行日期拜摺後欽奉十二月初七日

寄諭山東賊已窮蹙李鴻章所部兵力甚厚足敷剿辦
著卽飭令宋慶程文炳各統所部由山東直隸尅日西
行入晉境後覘賊所向與陝境各軍會籌夾擊張曜軍
著卽移紮河北等因欽此是日酉刻始准兵部火票遞

回臣十一月三十日拜發摺片欽奉

寄諭左宗棠當懷遵疊諭迅速入晉督勦昨因東省捻股殲除將盡李鴻章兵力有餘已諭令該大臣等將程文炳宋慶兩軍由山東移赴河北堵剿該將領等到晉豫後卽著歸左宗棠遣並著一面催提以厚兵力等因欽此十八日酉刻在臨潼驛口途次欽奉十二月初九日

寄諭飭李鶴年將張曜宋慶兩軍迅速調撥而十二月初十日調張曜余承恩兩軍由臨汾關進發宋慶程文

炳兩軍由直隸

旨已先於十二月十五日欽奉

寄諭是張曜余承恩宋慶程文炳已均取道直隸以向山西矣二十日丑刻在華州赤水途次准兵部火票遞回臣十二月初八日拜發一摺欽奉

寄諭催臣兼程東征臣於二十一日行抵潼關二十二日飭前隊及隨營軍裝輜重過河窮日之力尙難渡盡臣於二十三日繼進卽由山西蒲州聞喜翼城一帶東趨入直隸境後自北而南諸督軍迎勦以期繞前攔截

惟臣所部悉屬步隊遼潞一帶山徑崎嶇行走苦不能
速現據探報賊踪東趨河南衛輝府境喜昌全福安住
劉松山郭寶昌等馬步各軍馳抵懷慶又落賊後臣已
飛飭喜昌等山河南彰德入直隸磁州出廣平順德一
帶攔勦並咨行劉松山等一體繞前截擊務先出賊之
北再行向南壓勦此時山西已無賊踪其張曜余承恩
宋慶程文炳各軍均可無庸入晉應請

旨飭令均赴直隸廣平順德一帶進勦抑臣更有慮者
捻逆自絳縣東竄委乘輜重步賊悉騎騾馬意在狂奔

聞其中有宋景詩之黨難保不徑趨大名糾合宋景詩
餘黨教匪以圖併力抗拒官軍山東賊已殄除請
赦下李鴻章撥勁軍馳赴直隸大名一帶進剿以杜勾
結所有現籌截剿情形恭摺馳陳伏乞

皇太后

皇上聖鑒訓示施行謹

奏

同治六年十二月二十二日

軍機大臣 字寄同治六年十二月二十九日奉

上諭左宗棠奏捻逆東竄現籌截剿情形丁寶楨奏捻

鼠豫魯等布河北勦辦事宜各一摺覽奏均悉賊蹤東趨河南衛輝府境左宗棠現飭嵩昌等入直隸磁州出廣平順德一帶攔截劉松山等繞出賊之北面向南壓勦卽著嚴檄各軍分路進攻迅掃逆氛左宗棠現由蒲州渡河取道聞喜翼城東趨入直應如何擇要駐紮居中調度之處著左宗棠妥籌辦理嵩昌等馬隊到河南彰德後卽可迎頭截勦不必拘定指示道路以免迂折張曜余承恩宋慶程文炳各軍著官文李鴻章李鶴年催令該員等分途前進星速會勦左宗棠以捻逆中有

宋景詩之黨難保不徑趨大名糾合宋景詩之餘黨教
匪圖抗官軍請飭李鴻章撥勁軍馳赴大名一帶以杜
勾結前已寄諭李鴻章飭令劉銘傳善慶等所部稍爲
休息移師赴豫卽著左宗棠與李鴻章會商檄飭該提
督規賊所向寔力殲除各軍到防後均歸左宗棠節制
調遣官文當懷遵前旨馳赴省南嚴密布置毋稍疏虞
現在駐京之黑龍江馬隊一千名著神機營王大臣整
頓齊備後派往直隸並現在直隸之吉林馬隊均交春
壽統帶歸官文調遣以資厚集捻匪並趨河北亟應迅

加勦辦東捻既已殄除著李鴻章統率勁旅前赴河南
豫爲截勦地步以免臨時周章如衛懷一帶兵力不敷
並著添派得力之師渡河會勦趙長齡現由韓侯嶺進
駐澤州一帶務當督嚴密守禦遇賊卽擊臬司陳湜現
駐何處西路河防仍當督同該臬司認真截勦倘任陝
賊續渡冰橋惟趙長齡陳湜是問李鶴年扼紮衛輝著
卽就現有兵力攔頭截擊毋任匪勢蔓延東昌一帶防
務緊要著丁寶楨檄飭派出各軍妥籌防守該撫並卽
親赴東昌相機布置丁寶楨所調吉林黑龍江馬隊務

當趕緊訓練俾得迅速成軍以備調遣將此諭知神機營王大臣由六百里諭知官文李鴻章左宗棠丁寶楨李鶴年趙長齡並傳諭陳湜知之欽此

軍機大臣 字寄同治六年十二月二十八日奉

上諭前因左宗棠奏請借用洋商銀兩當經諭令該衙門妥籌辦理茲據總理各國事務衙門奏稱照案借銀行息大重四成洋稅一項不妨暫爲通融請將左宗棠原擬代借之款劃分爲二一半提用洋稅一半由各海關向洋商借用開單呈覽等語左宗棠軍餉待用甚急

該衙門所籌辦法既可節省息銀又可不要需白是兩全之道即著曾國藩等按照該衙門所擬各節先由應解部款四成洋稅項下提出銀一百萬兩飛速解交左宗棠軍營支用其一百萬兩由各海關出具印票由各督撫加蓋關防交胡光墉應寶時向洋商借用江南等省各藩司於應協甘餉項下撥還並委解部庫交納歸還四成洋稅之款仍足二百萬兩之數左宗棠於以上兩項銀兩隨收隨報總理各國事務衙門俾便查催該大臣素顧大局必能仰體籌餉之艱撙節動用迅捕

逆氛以慰朝廷西顧之憂其單開數目著各該督撫等
督飭按月分別起解毋許稍延至四成洋稅係解部要
款並著按期撥解如有遲延卽着照撥解京餉章程查
明參辦原摺單均著鈔給閱看將此由六百里諭知會
國藩左宗棠英桂馬新貽瑞麟郭柏蔭丁日昌李瀚章
卞寶第李福泰並傳諭何璟知之欽此